

禮書卷第一



冕服

衮冕

十二章之服

鷩冕

大裘而冕

冕服

卷三十三

書曰天命有德五服五章哉又曰予欲觀古人之象日

月星辰山龍華蟲作會宗彝藻火粉米黼黻絺繡以五

色作服汝明孔氏曰日月星為三辰宗廟彝尊亦以山龍華蟲為飾火為火字粉若粟米米若聚

周禮典絲凡祭祀共黼畫組就之物

典命上公九命其衣服以九為節侯伯七命其衣服以七

為節子男五命其衣服以五為節王之三公八命其卿

命及其出封皆加一等其衣服亦如之

皮帛眡小國之君其卿三命其大夫再

命其士一命其衣服各眡其命之數侯伯之卿大夫士

書名 禮書一百五十卷 宋刊元修

撰者 宋 陳祥道 撰  
卷三十三  
經禮三禮總義 宋  
貴重 8  
A259500

彩色首頁1

東洋文化研究所漢籍目錄 編號: A259500

東洋文化研究所漢籍目錄所藏漢籍善本文影像資料庫 索書號: 貴重-8

漢籍善本文影像資料庫文本禮書一百五十卷 宋刊元修本

版權所有: 東京大學 東洋文化研究所

使用上的注意事項



力政

方伯連帥之職

軍制

羨卒

力政

大司徒

大軍旅大田役以旗致萬民

鼎





遂人若起野役則以遂之大旗致民



大夫以旗致民

鄉帥九四時之田及開列以司徒之大旗致民庶民  
氏曰司徒致民庶者以能虎之旗此又以之明爲司  
建致之大夫致數指以鳥隼之旗賈氏曰大司徒既  
建熊虎旗既大夫官尋常建物在禮下明在軍當以  
鳥隼之旗在能虎之下



小宰以官府之八成經邦治一曰聽政役以比居

大政司

軍政役謂發兵起徒  
役比居謂伍籍也大司徒大軍旅大田役以旗致萬民而治  
其徒庶之政令小司徒上地家七人可任也者家三人

中地家六人可任也者二家五人下地家五人可任也者家二人九起徒役毋過家一人以其餘為羨唯田與

追胥竭作九國之大事致民大故致餘子鄭司農云餘子謂羨也立謂餘子卿大夫之子當守於王宮者也大軍旅帥其眾庶小軍旅巡役治其政令大

喪帥邦役治其政教鄉師大役則帥民徒而至治其政

令既役則受州里之役要以考司空之辟以逆其役事

鄉大夫之職以歲時登其夫家之眾寡辨其可任者國

中自七尺以及六十野自六尺以及六十有五皆征之

其舍者國中貴者賢者能者服公事者老者疾者皆舍

以歲時入其書國中城郭中也晚賦稅而早免之以其所居復多役少野早賦稅而晚免之以其復少役多鄭司農云征之者蓋公上事也舍者謂有服除舍不收役事也貴者謂若今宗室及閭內侯皆復也服公事者謂若今吏有復除也老者謂若今八十九復養卒也疾者謂若今癘不可事者復之也鄉師大役則帥民徒而至治其政令州

長若國作民而師田行復之事則帥而致之掌其戒令

與其賞罰黑正九作民而師田行役則以其法治其政事族師若作民而師田行役則合其卒伍簡其兵器以

鼓鐸旗物帥而至掌其治令戒禁罰縣師若將有軍

旅會同田役之戒則受法于司馬以作其眾庶及馬牛

車輦會其車人之卒伍使皆備旗鼓兵器以帥而至遂人

若起野役則令各帥其所治之民而以遂之大旗致之

九事致野役而師留作野民帥而至掌其政治禁令遂師

作役事則聽其治訟鄙師九作民則掌其戒令以時數

其眾庶察其微惡而誅賞縣正若將用野民師田行役

移執事則帥而至治其政令稍人若有會同師田行役

之事則以縣師之法作其同徒輦輦帥而以至治其政

令以聽於司馬鄭長若作其民而用之則以旗鼓兵革

帥而至大司馬簡精鄉民以用邦國九令賦以地與民



制之上地食者三之二其民可用者家三人中地食者  
半其民可用者二家五人下地食者三之一其民可用  
者家二人大役與慮事屬其植受其要以待考而誅賞  
與司農去推謂曲將吏故也均人九均力政以歲  
華元為推是功屬謂聚會之也上下豐年則公旬用三日焉中年則公旬用二日焉無  
年則公旬用一日焉凶札則無力政王制曰用民之力  
歲不過三日司空典事任力九使民任老者之事食壯  
者之食五十不從力政六十不與服我八十者一子不  
從政九十者其家不從政廢疾非人不養者一人不從  
政祭義曰五十不為旬徒論語曰使民如承大祭孟子  
曰有布縷之征有粟米之征有力役之征君子用其一  
緩其二用其二而民有殍用其三而父子離詩大東曰  
東國困於役北山曰役使不均

古者府史胥徒有常職而民不與焉其所與者軍旅田  
役而已故任之以地之媿惡辨之以國野之遠近均之  
以歲之上下小司徒上地家七人可任也者家三人中  
地家六人可任也者二家五人下地家五人可任也者  
家二人此任之以地也鄉大夫國中自七尺以及六十  
野自六尺以及六十有五皆征之此辨之以國野也均  
人九均力政以歲上下豐年則公旬用三日中年則公  
旬用二日無年則公旬用一日凶札則無力役此均之  
以歲也上地食七人中地食六人下地食五人而任之  
者僅半而已蓋以下養上則不足以上養下則有餘故  
九起徒役又無過家一人所謂施從其厚事舉直中  
與食壯者之食任老者之事同意七尺六尺征之以其  
才六十六十有五舍之以其齒國中近而役多故晚征



而早舍野遠而後少故早征而晚舍欲使勞逸輕重而已與近郊什一遠郊二十而三甸稍縣都無過上同意力政有征於鄉有征於司徒征於司徒則公用也故豐年公旬用三日則是歲用二十七日中年公用二日則是歲用十有八日無年公旬用一日則是用九日而已以均力政在歲成之後惟用於冬之一故也其作之也在鄉則族師以鼓鐸旗物帥而至大司徒以鄉之大旗致之在遂則鄴長以旗鼓兵革帥而一遂人以遂之大旗致之蓋鄉百家為族遂百家為鄴一家然後致之以旗鼓則下於百家者非必旗鼓也司徒之於六鄉遂人之於六遂以鄉遂之大旗致之則族師鄴長之旗非大旗也鄉有鄉官致之遂有遂官致之至於邦國都鄙甸稍郊里之地縣師又備旗鼓兵器致之則所統有其人所會有其地所治有其法此所以如臂使指而無不率從也其不役者國中貴者賢者能者服公事者老者疾者皆舍文八十者一丁不從政九十者其家不從政廢疾非人不養者一人不從政父母之喪三年不從政齊衰大功之喪三月不從政將徙於諸侯者三月不從政自諸侯徙家其有不從政然則得之義也舍之仁也義故民忘其勞仁故民悅其德此所以北山不均之刺不作於下而餘力之頌曰聞於上也世踐更之法雖丞相之子不免戍邊非所謂舍責者也

絳之老人厚在泥塗非所謂舍

老者也豈可與議先王之法哉周禮均人無年之力政猶至九日王制用民之力歲不過三日非周禮也鄉大夫國野之役至於六十六十有五王制曰五十不從力政



祭義曰五十不為甸徒亦非周制也然六十不與服戎  
恐周亦然班超傳曰古者十五授兵六十還之韓詩說  
三十受兵六十還兵其受兵早晚雖殊其六十還兵二  
也

### 方伯連帥之職

周官六卿分職各率其屬以倡九牧周禮太宰乃施典  
于邦國而建其牧立其監設其參傳其五陳其殷置其

輔以侯伯有功德者加命作州長謂之牧所謂八  
命作牧者監謂公侯伯子男各監一國又曰牧以地得

民大宗伯曰八命作牧謂侯伯有功德者加命得專征伐於諸侯  
鄭司農云一州之牧王之三公亦八命

九命作伯上公有功德者加命為二伯得征五  
侯九伯者鄭司農云長諸侯為方伯大司馬建牧立監

以維邦國職方氏九邦國大小相維王設其牧掌交諭

九牧之維詩旄丘序曰衛侯不能脩方伯連帥之職乞

芘黍苗曰四國有王郇伯勞之曲禮五官之長曰伯也

職方其攢於天子也曰天子之吏天子同姓謂之伯父異

姓謂之伯舅自稱於諸侯曰天子之老於外曰公於其

國曰君九州之長入天子之國曰牧每一州之中天子選諸  
侯之賢者以為之牧也

天子同姓謂之叔父異姓謂之叔舅於外曰侯於其國

曰君牧尊於大國之君而謂之叔父辟二伯也亦以此為尊禮或損  
之而益謂此類也外自其國之外九州之中曰侯者不爵也二

王之後其在東夷北狄西戎南蠻雖大曰子謂九州之外長  
也天子亦選其

諸侯之賢者以為之子猶牧也入天子之國曰天子亦  
謂之子雖有侯伯之地本爵亦無過子是以同名曰子於內自稱曰

不穀於外自稱曰王老王制千里之外設方伯五國以為

屬屬有長十國以為連連有帥三十國以為卒卒有正

二百一十國以為州州有伯八州八伯五十六正百六

十八帥三百三十六長八伯各以其屬屬於天子之

老二人分天下為左右曰二伯左傳曰五侯九伯汝實

征之



州二百一十國伯一人

州二百一十國伯一人

州二百一十國伯一人

州二百一十國伯一人

伯

伯

州七之而為卒卒三十國一正則州七正矣卒三  
之而為連連十國一帥則州二十一帥矣連二之  
而為屬屬五國一長則州四十二長矣八州八伯  
五十六正百六十八帥三百三十六長

古之官有常名有異名內而為比長閭師族師黨正  
州長鄉大夫此常名也及任以師田之事則為軍將  
師帥旅師卒長兩司馬公司馬此異名也外而為侯  
伯子男此常名也及寓以連屬之法則為屬長連帥  
卒正州伯此異名也屬則繫其人連則結其衆以其  
民之衆足以禦卒然之變故謂之卒以其地之廣有  
達于重川之遠故謂之州屬有長則足以長五國而  
已未足以率十國之衆故連有帥帥足以率十國而  
已未足以正三十國之衆故卒有正正足以正三十



國而已未足以長二百一十國故州有伯則爲人長者才也帥人者智也正人者義也長人者仁也易曰體仁足以長人則外之八伯內之二伯皆以其能仁故也蓋王者有分土無分民建萬國所以分其土親諸侯所以合其人不分其土則其守不專不合其人則其勢不一王制言凡九州千七百七十三國分其土也繼之以方伯連帥之法合其人也周官大司馬比小事大以和邦國職方氏凡邦國大小相維者此也古者什伍之法於州鄉則聯其民於師田則聯其徒於宿衛則聯其官故能以中國爲一人而無內患焉屬連卒州以聯其國爲長帥正伯以聯其人故能以天下爲一家而無外虞然不惟其官惟其人則法行而事舉詩曰四國有王郇伯勞之是也非其人則法

雖存而事廢詩序曰衛侯不能脩方伯連帥之職公羊傳曰下無賢方伯是也方伯連帥之職周道故書與周禮伯皆稱牧者蓋自內言之則屈於二伯故稱牧周官大宗伯八命作牧曲禮九州之長入天子之國曰牧是也自外言之則伸於諸侯故稱伯王制謂方伯之國是也虞十二州則十二牧夏九牧左氏曰夏之方有德也貢金九周九州則九伯而王制言八州八伯則王畿之內不建伯焉鄭氏以爲商制是也然周牧伯之名見於經傳多矣連帥特見於詩序若夫五國之屬於經無聞左傳曰晉侯享公請屬鄆豈周所謂連屬歟公羊傳曰自陝以東周公主之自陝以西召公主之書曰畢公率東方諸侯入應門右太保率西方諸侯入應門左此所謂九命作伯者也與商所謂天子之老二



人一矣周有九伯則畿內蓋亦設牧而太宰言施典于邦國設其牧者以牧之所設主為邦國故也

康成釋詩謂周之制使伯佐牧蓋以傳所謂五侯者五牧也九伯者佐侯之伯也孔穎達申之以為一牧之下二伯然質之於商州伯之下無二佐則周州牧之下無二伯

軍制

大國三軍

三萬七千七百五十人

次國二軍

二萬五千人

小國一軍

萬二千五百人

周官大司馬主六軍大國三軍次國二軍小國一軍春秋傳曰成國不過半天子之軍諸侯之大者三軍可也蓋天子六軍而將之以六卿大國三軍而將之以三卿周三等之國以地言之公侯百里大國也伯

七十里次國也子男五十里小國也以國字宮室車旗

禮儀言之上公以九為一節大國也侯伯以七為節次

國也子男以五為節小國也然軍之多寡係地之廣

狹而公侯之田皆百里則皆三軍矣魯於周為侯而

地方百里頌稱公徒三萬此大國三軍之數也春秋

襄十七年作三軍昭五年舍中軍則魯之三軍蓋嘗

變於僖公之後至襄而復作至昭而又舍也左氏曰

季武子作三軍三分公室而各有其一

杜預曰魯本無中軍推上下二軍皆

屬於公有事三卿更帥以征伐季氏欲專其民人故假立中軍公羊曰三軍者何三卿也何

譏爾古者上卿下卿上士下士

何休曰襄公委任強目乃益司馬作中卿官喻王制故設

之穀梁曰古者天子六師諸侯一軍作三軍非正也啖氏曰天子六軍大國三之一小國半大國數不必常所以亦稱國語曰季武子為三軍叔孫穆子曰不可



今我小侯也。處大國之間，繕貢賦以共從者，猶懼有討。若為元侯，之所以怒大國，無乃不可乎？弗從，遂作中軍，自是齊楚伐討，魯襄昭皆如楚。由此觀之，魯於春秋之時，尊事齊楚，為不暇則其國次國而已，不宜復作三軍，作三軍非正也。故春秋書作以譏之，作猶作僖公主之類也。及舍中軍，以起於禮，又書以正之。公羊曰：舍中軍，復古也。穀梁曰：復正也。其說是也。然穀梁言天子六師，諸侯一軍，啖氏言天子六軍，大國三之一，小國半，大國其制與周禮不合，是臆說耳。春秋之時，王命曲沃伯以一軍為晉侯，莊十七年其後晉作三行，以增上中下，而當六軍，則世衰禮廢，大夫僭諸侯，諸侯僭天子，不足恠也。

羨卒

小司徒上地家七人可任也。者家三人，中地家六人可任也。者二家，下地家五人可任也。者家二人，凡起徒役，毋過家

又以其餘為羨，唯田與追胥竭作，凡國之大事，致民大

故致餘子。鄭司農云：餘子謂羨也。玄謂餘子，鄉大夫之子當守其

其餘皆為羨卒。若六遂之內，以下劑致，一為正卒一人，為羨卒其餘皆為餘，大饒遠故也。遂人以下劑致，

以下劑為率，謂可任者家二人，賈公彥曰：大鄉上劑致民，六遂下劑致，

者皆舍。鄭司農云：若公劉，遷於豳，封大國之制，三軍以其餘卒為羨，今公劉遷於豳，民始從之下，夫適滿三軍之數，單者無羨卒也。

古者國有遊倅，田有餘夫，軍有羨卒，皆所以副其正也。六鄉以三劑致民，上地家七人可任也。者家三人

也。中地家六人可任也。者二家，五人下地家五人可任

也。者家二人，凡起徒役，毋過家一人，以其餘為羨，則

一人為正卒，餘可任者皆羨卒也。六遂以下劑致民



上地可任家三人中地可任二家五人而皆以下地  
二人任之則一人爲正卒一人爲羨卒其餘不預所  
以優野人也惟田與追胥竭作鄉遂皆然以田獵禽  
獸人所同欲追伺盜賊人所同惡故也羨卒亦謂之  
餘子則餘子自私言之羨卒自公言之故也詩曰其  
軍三單先儒謂公劉始遷於豳無羨卒是也

禮書卷第三十三

禮書卷第三十四

九州

九州所宜

五土所宜

星分

土分